

**(YIMCHUNGER)**  
**MINISTRY OF LAW AND JUSTICE**  
**(LEGISLATIVE DEPARTMENT)**  
**New Delhi, 21<sup>st</sup> Khiheam(June) 2005**

Ha Parliament yo Act ju 15<sup>th</sup> Khiheam 2005 ching President nü mülüjihpah, mitsürü alala kilim mukheahshihpü ha kaku zukhit-a akhhiukshihchoh:-

THE RIGHT TO INFORMATION ACT, 2005  
No. 22 of 2005.

[15<sup>th</sup> Khiheam(June) 2005]

Ha yakzan ju public yakzan shurubonu alala ngurihde tusho akheyokkhi lade rhimo rhimoshihpu yakzan shurubo bokhupnu mitsurubonu thiyushak lukokpe alim lashihpu tusho Central Information Commission le State Information Commission tankihjihpu thsongkheah-a.

TUMUTUSHO India yo Constitution nushe Democratic Republic yakli ju zojihlah;

TUSHO TUMUTUSHO Democracy yakli ching ju, mitsuru alala kilim ju thiyushk soshipu tusho jihshihpu ju atongtope-a tusho sorkar sorkar yo rhimo thsukhi ching lakmihlakrakhi zhiptoshihde akheyokkhi lade rhimoshihpu yihnulah;

TUSHO TUMUTUSHO atsutsunu rhimode ayukhhi yushak lude lasho, public yo pupu rhimobo ching sorkar nu tsude rhimode alakhibo she lakkihpu nangde lah tusho aram yushakbo jushe mukokde akampa;

TUSHO TUMUTUSHO Democracy yo yakli atsupe chingnu ha lakkihahihkhi ju atsukhi khulang chingnu shu-a ahoripu yihnupah;

KHEAKKU TUMUTUSHO, mitsuru sherunu kunde thiyushak khuru luniede alumpahnu jurubo kilim thiyushak ngukokpshihpu yihnulah.

Hajuha India yo Republic ngupah kam 56 pu ching Parliament nu hanangde thsakhamjihchoh:-

APHU-1  
Preliminary

Short title, extent and commencement

1.(1) Ha yakzan ju Right to Information Act 2005, de ajihpah.  
(2) Hajuha Jammu & Kashmir punie lang mupede India yo alala ching shu-a ahoripah.

Ha yakzan bokkhup Section 4 yo sub-section (1), Section 5 yo Sub-sections (1) le (2), Sections 12, 13, 15, 16, 24, 27 tusho 28 harubo ju nahde shu-a ahoripah tusho aninga lakhi yakzan ju nimong 120 pu chingnu lang shu-a ahoripah.

Definitions 2. Ha yakzan ching tumukhu amanikhithkhi akhiukpah yihnukgu muthsusho,—

“appropriate Government” tukhi ju, langde yongsho shihdanglimnu rongde public kurongkheak yakzan shukhi—

Central Sorkar nu yongsho Union territory yo yakzan shurubo tusho Central Sorkar; State Sorkar

“Central Information Commission” tukhi ju, Section 12 yo sub-section (1) yo yakzan bokkhupnu tankihkhi Central Information lapah;

“Central Public Information Officer” tukhi ju, sub-section (1) ching mulujigpah lakhi Central Public Information Officer ki thachoh tusho juching Section 5 yo sub-section (2) ching mulujihpah lakhi Central Central Assistant Public Information Officer she perhulah;

“Chief Information Commissioner” tusho “Information Commissioner tukhi ju, Section 12 sub-section (3) yo yakzan bokkhup nu mong yokpah alakhi Chief Information Commissioner tusho Information Commissioner lapah;

“Competent Authority” tukhi ju—

House of the People yongsho State yo Legislative Assembly yongsho juturu Assembly lakhi Union Territory, haur yo Speaker lapah tusho State yo Council of States yongsho Legislative Council lakhi ching ju Chairman lapah;

Supreme Court ching ju India yo Chief Justice lapah;

High Court ching ju High Court yo Chief Justice lapah;

Constitution nu yongsho hoju bokkhup nu mulujihpah lakhi ching ju President yongsho Governor lapah;

Yakzan zhimrubo ju Constitution yo Article 239 bokkhup nu yokjihpah;

“Information” tukhi ju, tumukhu kukrok, kaku ching thru dyok-a lakhi, jingyang kakubo, shoo pahkhi yo thrud-a zokhi, e-mail bo, athsunganahkhi, thiyushak hum ching zukhit-a akhiukshihkhi, thiyushak thrud-a ahiukhi, thiyukhum jihkhibo, logbook bo, contractbo, kaku thiyushkbo, samplesbo, modelbo, wukhe lupe kukrok harubo electronic kukrokbunu zukhitpah akhiukshihkhi ki thachoh, tusho tumukhu private khunungbo kheak, public yakzan shurubonu tumukhu yakzan shu-a ahorikhi ching thiyushak jihkokde lakhi ki thachoh;

“Prescribed” tukhi ju, ha yakzan bokkhup nu athulunkhi yakzan zhimrubonu yongsho sorkar nu yakzan thsupah lakhi ki thachoh;

“Public Authority” tukhi ju, tumukhu yakzan shurubo yongsho arih-ako yongsho puh kudahthsude sorkar jiyokpah khimshukhi tangpong yongsho harubo kihode tankih jihpah lakhi—

Constitution nu yongsho ju bokkhupnu;

Parliament nu tumukhu pupu yakzan thsakhampah lakhi;

State Legislature nu tumukhu pupu yakzan thsakhampah lakhi;

Athulunkhi Sorkar nu thiyukhum jihkhi yongsho amukheahshihkhi hum ahiuhkhi;

tusho juching sorkar nu langde yongsho shihdanglim nu langshe arong shoo jihde lahkhi harubo ching pesho jushe apelah—

(i) nihpe yo khunung lapale kuumde lasho yongsho shoo nu rongde lasho;

(ii) Non-Governmental Organisation kilim shoo nu rongde lasho;

“record” tukhi ju harubo lapah—

tumukhu mutsanmukhe hum, amukiokhi yongsho khahnu thrud-a zokhi kaku tusho file bo;

tumukhu mutsanmukhepe yo me thran-a zokhi, tusho thiyuro kaku kheahde jurok lang thrud-a zokhi;

tumukhu me thran-a zokhi ching thsamkhitlo-a lukhi(ato thsuthsushe yongsho aninikhu thsuthsushe) tusho;

tumukhu computer nu yongsho pupu devices bonu thsukhitpah lasho;

“right to information” tukhi ju, ha yakzan bokkhup nu public yakzan shurubonu akuumkhi bokkhupnu thiyushak ngukokshihpu yo alim lapu thsongkheak-a tusho jurubu ju haru lapah—

rhimo, mutsanmukhe kakubo, thrudzuthrudokhi harubo rho-a kheahkokpu;

mutsanmukhepe kakubo yongsho thrudzuthrudokhi chingnu thrudkhit-a lukokpu;

kukrokbo atsu-amutsu kheahpu lukokpu;

computer yo kukrokbo diskettes, floppies, tapes, video cassettes tusho pupu electronic kukrok bo ching zukhit-a lukokpu;

“State Information Commission” tukhi ju, section 15 sub-section (1) bokkhupnu tankihpah lakhi State Information Commission ki thachoh;

“State Chief Information Commissioner” tusho “State Information Commissioner” tukhi ju, section 15 sub-section(3) bokkhupnu mong yokjihpah alakhi State Chief Commissioner tusho State Information Commissioner ki tachoh;

“State Public Information Officer” tukhi ju, section 5 sub-section (1) ching jihpah alakhi State Public Information Officer ki thachoh tusho State Assistant Public Information Officer ju sub-section (2) ching zojihlah;

“third party” tukhi ju, amihkhung yungde pupuru nu arupah thiyushak luniede akhiangkhi ki tahchoh tusho juching public yakzan shurubo she perulah;

## APHU-II

Right to Information and obligations of public authorities  
Information

Right to

3. Ha Act ching mulujihkhi nangde mihkhung alala kilim thiyushak lukokpu yo alim ju zojihlah.

4. (1) Public yakzan shuru alalanu harok arhimopah—

(a) arü rhimo mütsande athüdyokpeah tusho ha yakzan bukhupmüthiushak ngüpe yo alim larlöpü thson kheaknü alala thrüdmütsan pah kim atsükhü khülang tükiaknü computerized thsülopeah tusho ju yiushak ju isa lomi tangpong alala ching khiungshihpahle ngükhokshihpeah.

(b)Ha yakzan mülpah tunglim harübo yukde nimong chi khülang kheak müku(120 days) tükiak nü zükhit-a-akhimshuhpeah.

(i)Khunung yo mütsan mükhipebo tusho arü yo rhimobo.

(ii)Hoju hkunung yo azorü le tusho ju puk-khüp rhimorübo

(iii)lümkhü thsakhampü yonm ayaklibo

(iv)Rhimode awüpü yo ayakli

(v)Rhimode awüpü thsungkheak yaklibo

(vi)Arü puh-khüp ching thiushak khürü lakhi

(vii) Arükheak kiokhipü thsüde khürükhüh khunung lalasho yungsho ha lümki rhimode awüpu thsungkheak public thsührübo khürükhüh pe-a-lasho tüsho ju rhimode awüpebo.  
(viii) Athsung anang jihshihpü thsungkheaknü Boards, Council tüsho committees ju mihtsürü mahne kheaknü akumung nü mokhitpahle arübo kudang pinkhi yungsho lümki thsakhankhi bo ju mihtsürü bo kilim huhkhupü yungsho mühuhkhokpü münrün thsakhampü

(ix) Rhimo ching atorübo tüsho rhimorübo

(x) Yakzan ayan nü rhimo ching atorübo tüsho rhimorübo khinusho ngüde alakhi tüsho püpu arong

(xi) Arüyo agency bonü sho pahpü limrobo mütsande huhpü, arüyo agency apande sho akhu-a jihkhi tüsho apakhki yiushakbo

(xii) Sho akhu-a jihkhi ching arong jihpü yo münchi rhimobo yakli tüsho hoju münchi ching mihtsürü sherü kilim arong jihchonü jurübo mung mütsande thrüdyiukpü

(xiii) Püpürü thsung thsüde aliangkhi jührübo ju mütsan mükhi khi

(xiv) Thiushak angükhi yungsho alakhi ju yim mükhungpahle electronic machine chingnü akhihkhüh nü thsakhankhitpah lukhi

(xv) Mihtsürübo thsungkheak thülihde tüsho zuzu thsüde thiushak lushihpü thsungkheak nü Library tüsho hüm khepung thsungkheak kim akhu-a-nang khibo mükheakshihpü.

(vi) Public Information Officers yo mung, apiyo designation tüsho püpu atongto mükheakpü.

(vii) Thsüphulokhi ayan nü tümükhüh thiushak püpu lakhi ju yiukpahle kam apande zükhit-a-ahiu shihpü.

(c) Mihtsürü alala kilim mükheakshihpü thsüde mülükhi yungsho lümki lakhi yiuhsak tüsho yihnüpu thiushak alala zükhit-a-ahiu shihpü.

(d) Atünjirübo kheak yakzan lungki nü mahkhapkhki yungsho yakzan shuhkhi yo amütsan.

(2) Ha yakzan puk-khüpnü mihtsürübo nü thiushak suhtahde kim kim ching ngükhok shihpü thsungkheaknü internet she peade limro aphu aphu chingnü, clause(b) sub-section(1) ching lakhi nangde public yakzan shuhrü alalanü mürangde arhimoshihpah.

(3) Sub-section (1) ching lakhi nangde public bonü thiushak alala soride alashihpü thsüde limro athulihpe ching nü mükheahshihpü.

(4) Kukruk alala tüsho thiushak alala ju mihtsürü alalanü sori shihpü thsüde nihpe yiu ching nü thrüd-a akhiuk shihpah tüsho juju central public information officer yungsho state public information officer kilimnü akiangnü ngüshihpah yungsho yakzan thsakhankhitpah tüsho akiang nüshe yimjihpah thiushak ngüshihpah.

Yihnak-a huhkhi-Sub-Section 3 tüsho (4) ching thakhi ju, public kilim thiushak boju. Notice board, newspapers, public announcement, media boardcast, internet yungsho public yakzan shuhrübo yo office ching rhua-kheakhki, harübo ching nü ahuhpah.

5.(1) Ha yakzan puk-khüp nü thiushak lunede arürübo kilim thiushak jihkhok shihpü thsungkheaknü, ha yakzan thsakhampah nimong chikhülang tükiak nü public yakzan shuhrübo alala ju central public information officer yungsho state public information officers boy op hahmülang nimkihjihpah.

(2) Sub-Section(1) ching lakhi yakzan müthsü-münimtulang, ha yakzan thsakhampahle nimong chikhülang(100 days) tükiak nü public yakzan shuhrübo alala ju, sub-division bo ching yungsho püpu sub-district bo ching Central Assistant Public Information Officer yungsho State Assistant Public Information Officer, harübo thsüshihpah tüsho ha yakzan puk-khüp nü thiushak lunede kihüm khiungkhibo ju liangkhipahle aräänü section 19 sub-section(1) ching lakhi nangde central public information officer yungsho State Public

Information Officer yungsho senior officers kilim jih-a wutushihpah yungsho central information commission yungsho state information commission kilim she ajihpah.

Ju ching thiushak khiangkhi yo kihüm ju,central Asistant Public Information Officer yungsho State Asistant Public Information Officer kilim jihpah alakhi lapeah.Tüsho hoju alopü thsungkheak nü Section 7 sub-section(1)ching lakhi nangde nimong phüngü(5days)ju alü yiuk-ajak peah.

(3)Mihtsürü sherünü tümükhüh yo thiushak lunede arong khiangpanü central public information officer yungsho State Public Information Officer alalanü jurübo kilim ju arong jihde y imkhit jihpah.

(4)central public information officer yungsho state public information officer nü arü rhimokhi ching mikhkhai yihnüki thsüsho,officers sheyo sheyo she arong lupü koklah.

(5)Sub-section(4)puk-khüpnü officers shepü yo mikhkhai khiang pan,jünü central public information officer yung sho state public information officer kilim akok thürün arong jihpah tüsho shepü yo mikhkhai shuh-a-ahori panü jupuh ju api mikhkhai shuh-a-ahorikhi kim ching ju,central public information officer yungsho state public information officer bo ruklang ahoi shihpah.

6.(1)Ha yakzan puk-khüp nü mihtsürü khürü nü thiushak lunede lümsho,English yungsho Hindi yungsho nihpe lapung yünü mütsande thrüdpah juching sho yiukpah harübo kilim ajippü koklah.

(a)Nhpe phünikhi public yakzan shuhrü central public information officer yungsho state public information officer

(b)Central Asistant Public Information Officer yungsho State Public Information Officers.

Juching mihtsürü khürükhüh thrüdpahle marükhok khi thsüsho,central public information officer yungsho State Public Information Officer bonü rongde thiushakhampahle thrüd-a lu shihpah.

(2)Thiushak lunede amüshukhi hüm jihkhi ching thiushak lunekhi yo amütsan thrüdpü yihnüpü müla yungsho püpü mütsan-mükhi thrüdpü müjih tüshe tümü ching nü yinmkhit khok panü julang athrüdpah.

(3)Public yakzan shuhrübo kheak harübo kurongkheak thiushak lunede kihüm khiungsho—

(i)Public yakzan zhimrü püpürü shuhpah lakhi yungsho

(ii)püpürü yakzan rhimorübo yo thsungkheak tümükhüh lalasho

Public yakzan zhimrü shepü kilim kihüm khiungpah lanü,hoju kihüm ju püpürü public yakzan zhimrübo kilim jih-a-khin jihpah tüsho hoju yiushak ju kihüm jihrü kilim she amükheakshihpah.

Ha sub-section ayan nü kihüm ju ajihrü khah ching nü liangkipah akok thürün nimong Phüngü tükiak nü jihakhin jihpah,ju hosho küde thsüthsüshe müliangkhi peah.

7.(1)Section 5 yo sub-section (2) yungsho section 6 yo Sub-section (3) ching lakhi nangde,central public information officer yungsho state public information officer hode section 6 buk-phüpnü,sho atün akhu-a zojikhhi lupahle thiushak jihpah yungsho section 8 le 9 ching lakhi nangde müliangkhide pajihpü she koklah.

Mihtsürü khülang yo zuzu yungsho rhadong thsungkheak mülung sansande thiushak lunede amüshukhi hüm ngüsho juju khunda yirü kheak tüzah(48 hours)tükiaknü thiushak jihlopeah.

(2)central public information officer yungsho state public information officer nü sub-section (1) ching kim akhu-a jihkhi tükiak nü thiushak jihlopü mükokkhi thsüsho,hoju ju central public information officer yungsho state public information officer nü amüshukhi thsunglo-a pahkhi alakhi lapah.

(3)Küching sho atün alü jihpahle thiushak lupü thsungkheak amülükhi lapanü juching central public information officer yungsho state public information officer hode harübo mütsande thrüdpahle amüshupuh yimde amühahpah-

(a)Sho atünbo atungpuhnü alüjihpü lakhi tüsho sub-section(1) ching atünbo jih-a alakhi yiukrupü,ytüsho hoju sho ju deposit thsüshihpü tüsho nimong samrü akhu-a jihkhi khepü thsungkheak nü,sho jihkhi nimong ju pahjihpü.

(b)Apinü sho atün jihkhi ayan nü apiyo alim kheahphulo shihpü yo thiushak yungsho Appellate authority,kim akhu-a jihkhi,rhimode awüpu yoyungshoayihnükhü püpübo,harübo yiushak.

(4)Ha yakzan puk-khüp nü rhimokhi yiushak thrüdyiuklo-a zokhi ju,central public information officer yungsho state public information officer hode rongde arü rhimokhi yiushak ju rhu-a-kheakshihpah.

(5)Thiushak tümükhüh amükiokhi yungsho electronic format chingnü thsüthsüshe,akhiang rübo hode,sub-section(6) ching lakhi nangde akhu-a zokhi atün ju ajihpü yihnülah.

Section 6 yo sub-section (1) tüsho section 7 yo sub-section (1) le (5) pünea ching ju atün aye-anak-khi khülang lapah tüsho puhyo sorkar nü mülüjihkhi ayan nü khide zhiochihrü kilim ju-a atün amo mülujih.

(6)Sub-section 5 nü mülüjihpah lalasho,sub-section(1) ching jih-a lakhi nangde,public yakzan zhimrübonü akhiangpuh kilim sho atün mülude ajihpeah.

(7)Sub-section(1)puk-khüpnü tümü atsangashu müthsüyide,central public information officer yungsho state public information officer hode,section 11 puk-khüp nü asampü nungrü(third party) azahkhi ju ani-a-kheak jihpah

(8)Sub-section (1) puk-khüp nü amüshukhi hüm ju müliangkhi yide pahjihsho central public information officer yungsho state public information officer hode,harübo yiukmük yiukde thalo-a mükheakshihpah-

(i)Muliangkhi jihde pahjihkhi amütsan

(ii)Ha pahjihkhi tunglim achangpe ching mü shulopü kim akhu-a jihkhi

(iii)Appellate Authority yo mütsan mükhi khi thiushakbo.

(9)Thiushak tümü-tümü thsüthsüshe sorkar nü mütsande küm kangpah azokhiboju jihkhoklah

8.(1)Haju yakzan ching tümü-tümü lalasho,lomi mihtsürübo kilim thiushak khürüboju ajijhpü mükok.Jurübo ju haruk lapah-

(a)Thiushak khürü huhkhi hode India yo zuzu kuhi,lümkhü ake-anang,lalim lako,yungsho püpürü lomibo kheak aye-anangde alakhi thsümünimpü thsüde lakhi thiushak ju müjihkhok.

(b)Thiushak khürü mahkhap pung yungsho yakzan hode mühuhshihpü yakzan thsakhampah lanü hojurübo yiushak ju she kilim she müjihkhok.

(c)Thiushak khürü jihkhi hode parliament tüsho state Legislature yo mung thsümünimpü lalasho hoju yiushak ju müjihkhok.

(d)Thiushak khürü huhkhi hode yiukyün yiukra ajik thiubo yungsho lumlung kukhiuk larü kukruk bo azhiah-achihkhi thsümünimpü thsüde lasho hoju thiushak müjihkhok.

(e)Mihtsürü khürü kheak thiushak tümükhüh lakhi ju api kumung rü kilim nü tükde thiukhüm mülye choki khiu ngde api yo thiushak ju müjihkhok.

(f)Mührü lomi yo sorkar kilim nü mulung lamde thiushak jihkhi ju mühuhkhok.

(g)Khürükhüh thiushak hode khürükhüh rhangtong thsümünimpü thsüde lasho hoju thiushak ju müjihkhok.

(h)Thiushak khürü jihkhi hode lakmihkhi ching rük yimzü yimto tüsho kiokhi kiora thsümünimpü thsüde lasho ju thiushak ju müjihkhok.

(i)Ccabinet(kiulong thsürü)hüm tüsho thrüd-a-zokhi hüm,secretariat tüsho püpü ato ashangrü bo thiushak ju mujihkhok.

Yakzan tüsho kiulong thsürübonü tükde lümkhi lümtuh tüsho ake-anang thsüpahle lang mihtsürübo kilim thiushak ju ahuhpü koklah.

Tütüshe khürü thiushak mühuhkhokpü thsüdee yakzan ching mülü-a-lakhi boju müjihkhok.

(j)Thiushak küju mihtsürünü mülyepe yungsho mihtsürübo thsungkheak atongto mülanü hoju thiushak ju Central Public Information Officer yungsho State Public Information Officer hode tükde ake-anang müthsüchoki khiungde hoju thiushak jun müjihkhok.

Thiushak küju parliament tüsho State Legislature kheak jihkhok lanü nukheak she hoju yiushak ju jihkhoklah.

(ii)Official yo aram yakzan,1923 tüsho sub-section (1) ching thru-a-lalashe,sorkar hode thiushakbo mihtsürübo hilim jihkhoklah.

(iii)Sub-section yo clause(a) ,(c) tüsho(i) ching lakhi ayan nü kam müku amüngüh tümükhüh tünjipah alakhi ju section 6 ching lakhi ayan nü amüshukhi thsüsho apinü amüshukhi ju anijihpah.

Kam müku tükiak yo nimong thsungkheaknü amümülükhi thsüde lasho,yakzan ayan nü Central sorkar hode amülü jihpah.

(9)Kükhiang küyang tüsho jak-kheak kukheah tümü mülade thiushak khürü küju hode yakzan ching lakhi tümükhüh thsümünimpü yungsho makhamkhi akhiupü thsüde lasho hoju thsungkheak amüshukhi ju Central Public Information Officer hode müliangkhi khok.

10.(1)Thiushak amüshu ju yakzan nü mümülüde alakhi hode mühuhkhi thsüsho,hoju yakzan ching tümü-tümü lalashe,thiushak aninikhüh thsü-thsüshe küju tangvpung ching mihtsürü kilim huhkhukde lanü hoju tangpung yo thiushak julangshe mükheahshihkhok lah.

(2)Section(1) ayan nü thiushak anükhüh langshe ahuhkhokpü thsüde lasho,Central Public Information Officer yunbgsho State Public Information Officer hode amüshurü kilim akhuhjde harübo thiu khiungshihpah-

(a)Thürd-a-zokhi thiushak khürü küjü ahuhkhokpü thsüde yakzan ching lanü hoju thiushak lang ajih khokpah.

(b)Kukruk khürü hode amütsan yimkhitkhi ju amükheahshih khokpah.

(c)Thiushak jihpuh mung tüsho api tümü rhimo chonü hoju ju ajihpah.

(d)Amüshurü nü sho kütükhüh jihpe-anü hoju alala ju amükheah shihpah.

(e)Sub-section(1) tüsho 19 ayan nü thiushak mühuhkhokpü lakhi yakzan tüsho api kheak sho lukhi bo amütsan ju mükheahpü koklah.

11.(1)Central Public Information Officer yungsho State Public Information Officer hode mürangpükhühnü thiushak khürü mihtsürü mahsämpü rhimokhi yungsho api hode ajihkhi küju ajikpü atongto thsüde alapanü,Central Public Information Officer yungsho State Public Information Officer hode nimong phüngü(5 days) tükiak chingnü mihtsürü mahsämpü kilim thiushak jihpah.Tüsho api kheak nü lang lümki tükde lupah lang thiushak ju ajihpü koklah.

Yiuhyin yiukrabo yo ajik yakzanbo kheak hopaah thiushak tümü-tümü thsü thsü she mihtsübo thsungkheak nü khide atongto lakhi thsüde lasho hojurü thiushak boju ajihpü koklah.

(2)Sub-section(1) ching lakhi nangde mahsämpü mihtsürü kheak thiushak khürü kiomütsanpü thsungkheak nü küyimki Central Public Information Officer yungsho State Public Information Officer hode api kilim kiokhi panü,apinü hoju thiushak liangkhipah nimong thürü?(10 days) tükiak ching nü akiokhi-khi thiushak ju mülüde ajihpah.

(3)Sub-section(7) ching tümü-tümü lalasho,küyimki mahsämpü mihtsürü nü Sub-Section(2) ching lakhi ayan nü thiushakju mülüde ajihpanü,Central Public Information Officer yungsho State Public Information Officer hode Sub-Section (6) ching lakhi ayan nü nimong yirü(40 days) tükiak ching nü mahsämpü mihtsürü kilimpiang thiushak ju püpü mihtsürü kilim ahuhpü mühuhpü ju thürdlo-a-mükheahshihpah.

(4)Sub-Section(3)ayan nü mahsämpü mihtsürü shepü hode thiushak jihkheanü,apinü she Sub-Section 19 ayan nü münrün thsü-a-pahkhi kheak amüshupü koklahde thiushak ju athrüdpe-ah.

### CHAPTER-III

#### THE CENTRAL INFORMATION COMMISSION

12.(1)Central Sor kar hode official Gazete ching mükheahshihde yakzan shuh-a-ahori shihpü thsungkheaknü Central Information Commission thsakhampah.

(2)Central Information Commission ching rhimopü mihtsürübo haruk lapah-

(a)Chief Information Commissioner

(b)Yihnükhi ayan nü Central Information Commissioners mihtsürü thürü(10) apuk-khüp lapah.

(3)Chief Information Commissioner tüsho Information Commissioners boju president hode committee kheaknü thiukhüm lupah amokhitpah.Committee ching ju mihtsürübo haruk lapah-

(a)Prime minister ju committee yo pinkiu pepuh lapah.

(b)Lok Sabha yo opposition leader

(c)Prime minister hode union cabinet minister bolung chingnü amokhitpah.

Thiu alaknak---Manikhit-achih mülapü thsungkheaknü,Lok Sabha ching ahihpe lakhi yo opposition leader ju committee ching lapah.

(4)Haju yakzan ching lakhi ayan nü alala rhimo kheahzü kheahüpü tüşho rhimode awüpü alala hahmülang ju chief information commissioner kheak lapah tüşho information commissioners hode api kilim arong jihde rhimopah. Central information commission hode rhimokhi ching püpürü khah müwüzah de rhimopah.

(5)Chief information commissioner tüşho information commissioners bo ju mihtsürü thsührübo yakli mükheahrü lapeah, yakzan mükheahrü lapeah, mihtsürü thsungkheak atsü rhimorü lapeah tüşho sorkar rhimo ching ayuk rhimorü lapeah.

(6)Chief information commissioner tüşho information commissioners ju parliament tüşho State Legislature ching müperü lapah. Apiju püpü sorkar rhimo ching mülapah tüşho tümü-tümü yo political party kheakshe münungde alarü lapeah.

(7)Central Information Commission yo head quarters ju Delhi lapah. Central Information Commission nü akhuhde central Sorkar kheaknü thiukhüm lupahle India ching küching küchingshe office ju khim shuh khok lah.

13.(1)Chief Information Commissioner ju api rhimikhi nimo ng nü rü npah kheade wüpah kam phüngü(5 yrs) tunglim pinkheam lupah tüşho apiju mahne kipü hoju rhimo ching lang mümolokhit khok.

Kam phüng khiungsho chief information commissioner ju pinkheam jihpah.

(2)Alala information commissioners buju kam phüngü (5 yrs)lang rhimopah yungsho kam 65 khiuntülang rhimopah. Apiju mahne kipü hoju rhimo ching lang mümolokhit khok.

Tütüshe küyimki information commissioner ju pinkheam lupanü, apiju Section 12 yo sub-section(3)ching lakhi ayan nü apiju chief information commissioner pinkiu ching wükikhok lah.

Information commissioner ju chief information commissioner pinkiu ching wükihpah klam phüngü(5 yrs)lang rhimokhok pah.

(3)Chief information commissioner tüşho information commissioners mokhitpah tunglim pre sident miki yungsho api thsung thsüde mokhitrü mihtsürü miki First Schedule ching ayan nü thiukhüm tüşho alokhi-khi lapah.

(4)chief information commissioner tüşho information commissioner pinkheam lupü thsungkheaknü hüm nihpe khahnü thrüdpahle president kilim jihpah pinkheam lukhoklah.

(5)chief information commissioner tüşho information commissioner kilim khinusho tüşho püpü ajihpe lakhibo ju haruk lapah.

(a)chief information commissioner tüşho information commissioner yo khinusho ju ruk-khüh lang alapah

(b)information commissioner ju election commissioner yo sühmüh ruk lapah chief information commissioner tusho information commissioner ju mokhitpah rhimochoki atan rhimokhi yo pinkheam(pension)sho thsühde lalasho api chief information commissioner tüşho information commissioner rhimokhi khinusho ju anükpe kamshihpah.

Kheaküshe, mürangpükhüh chief information commissioner tüşho information commissioner rhimockoki, hoju müngüh central yakzan tüşho state yakzan hode company khimshuhpah lakhi ching rhimokhi pinkheam sho yungsho püpü sho thsühde alakhi thsüsho chief information commissioner tüşho information commissioner rhimokhi khinusho ju amüngüh yo pinkheam sho ayan nü anükshihpah.

chief information commissioner tüşho information commissioner yo khinusho tüşho püpü allowances boju püthsü tümü mülade atsü kheaknü lang thsakhampah.

(6)Haju yakzan ayan nü central sorkar hode rhimo atsütakpe rhimode alashihpü thsungkheak nü chief information commissioner tüşho information commissioner kilim officers tüşho hoju puk-khüp lim rhimopü mihtsürübo jihpah. Hojurü kilim khinusho tüşho püpü allowances jihpü thsungkheaknü yakzan ayan nü thsakhah jihpah.

14.(1)Sub-Section(3) ayan nü chief information commissioner tüsho information commissioner ju president yo thiukhüm lupahlang mung pahjih khohlah.Küyimki chief information commissioner tüsho information commissioner hode rhimo amülim yungsho rhimopü lakhi mürhimokhok khi lapanü president hode Supreme Court kilim hahmülang jihpah neak yimpah.Küyimki chief information commissioner tüsho information commissioner ju tükde mülakhi yimkhit panü apiju rhimo ching nü mung pahjihpah.

(2)Sub-Section(1) ayan nü chief information commissioner tüsho information commissioner shepü kilimshe apiyo neak Supreme Court nü yimchoki president hode api kilim suspend jihpah yungsho office ching marüshihpü thsungkheak nü thiukhüm jihpü koklah.

(3)Sub-Section (1) ching tümü-tümü lalash,chief information commissioner tüsho information commissioner kilim president hode amung pahjihpü koklah.Küyimki president nü harübo raaaaamkhit panü arü mung ju pahjihpah.

(a)Rhimo mürhimokhok khi thsüsho yungsho

(b)President lümki ching chief information commissioner tüsho information commissioner ju rhimo ato ching alakmihkhi thsü-a-lasho

(c)Api rhimo choki puknim thsühde rhimokhi thsü-a-lasho

(d)Rhimokhi ching kukhiuk lümlung müsuhahde rhimokhi president nü ramkhitsho.

(e)Sho arong tüsho sho alü lupah rhimode chief information commissioner tüsho information commissioner rhimokhi ching mung thsümü nimkhi lasho.

(4)Murangpükhüh chief information commissioner tüsho information commissioner hode apiyo office kheak hopah alü yimpü thsungkheak nü püpürü kheak contract thsakhamde yungsho thiuzüng Indian sorkar mung chingnü thsakhamde lasho,sub-section(1)ayan nü apiju yakli mümükheahkhi yo amülim jihpah.

#### CHAPTER-IV

#### THE STATE INFORMATION COMMISSION

15.(1)Alala yo state sorkar nü official gazette ching thiushak jihpah State Information Commission thsakhampah.hoju(state mung lupah)information commission de ajipah.Haju yakzan ching lakhi rhimobo mütsan mükhi de tüsho lungkide rhimopü thsungkheak knü alapah.

(2)state information commission ching mihtsürü haruk lapah-

(a)state yo chief information commissioner tüsho

(b)Yihnükhi ayan nü state information commissioners ju mihtsürü thürü puk-khüp lapah.

(3)committee nü athakhi ayan nü Governor hode state chief information commissioner tüsho state information commissioner ju amokhitpah.committee ching mihtsürü ju harübo lapah-

(a)Chief minister ju committee yo pinkiu pepuh lapah.

(b)Legislative Assembly yo opposition leader

(c)Chief minister nü api yo cabinet minister tükiak ching nü mokhitpah.

(4)Alala kheahzü kheahüp,limro hupü tüsho rhimopü hahmülang boju state information commissioners bo kheaknü arong lude chief information commissioner yo hahmülang lapah.Haju yakzan ayan nü api rhimo ching shenüshe khah müwüzahde rhimopah.

(5)State chief information commissioner tüsho state information commissioner ju mihtsürübo yakli mükheahrü lapah,yakzan mükheahrü,mihtsürübo thsungkheak atsü rhimorü tüsho Sorkar rhimo ching ayuk tüsho mulung jührü lapah.

(6)State chief information commissioner tüsho state information commissioner ju parlia ment tüsho tümü-tümüyo state legislative Assembly ching Wühkhe mularü lapeah.

(7)State information commission yo headquarters ju official Gazette ching thiushak mükheahshihde state sorkar kheaknü thiukhüm lupah khimshuhkhok lah.

6(1) State information commission ju kam phüngü(5 yrs) lang rhimopah tüsho apiju mahne kipü hoju rhimo ching lang mümolo khitkhok

Shepü shepü state chief information commissioner thsü-thsüshe kam 65 hode mürhimokhok.

(2) Alala state information commissioners boju api rhimokhi nimong nü kheapah wüpah akam phüngü(5 yrs) yungsho kam 65 khiungtulang rhimokhokpah. api ju mahne kipü hoju rhimo ching lang mürhimolo khok.

Tütüshe state information commissioners shepü thsü thsüshe api pinkheam lupah tunglim Section 15 yo sub-section(3) ching lakhi ayan nü Statez chief information commissioner yo hahmülang hankhuklpah.

State information commissioner ju chief information commissioner mokhitpah tunglim kam phüngü khiungtulang rhimokhokpah

(3) State chief information commissioner tüsho state information commissioner ju api rhimo mütankih yide Governor yungsho api thsung thsüde mokhitrü mihtsürü khürü miki thiuchihchim lukhi tüsho alokhi khi lapah.

(4) State chief information commissioner tüsho state information commissioner ju pinkheam lupü thsungkheak nü akhahnü hüm governor kilim thrüdpah pinkheam lukhoklah.

Tütüshe state chief information commissioner tüsho state information commissioner ju Section 17 ching lakhi ayan nü mung pahjih khoklah.

(5) Arübo khinusho tüsho püpu ngüzü ngütope lakhibo ju haruk lapah-

(a) state chief information commissioner tüsho state information commissioner yo khinusho juruk-khüh lang alapah.

(b) state information commissioner ju state sorkar yo chief secretary ruklang alapah.

Mürangpükhüh state chief information commissioner tüsho state information commissioner ju ahokhi kim ching püpu sorkar yo rhimo khi tün pinkheam(pension)sho thsüde lalasho, apiju state chief information commissioner tüsho state information commissioner rhimokhi tün yo khinusho ju anükpe thsüjihpah.

Khinusho tüsho püpu ngüzü ngütope lakhibo ju state chief information commissioner tüsho state information commissioner thsungkheaknü atsükhi khulang nü thsakham jihpah.

(6) Haju yakzan atsütakpe tüsho thiuro lungki ching nü shuh-a-ahoripü thsungkheaknü state sorkar hode state chief information commissioner tüsho state information commissioner kilim officers tüsho api puk-khüp rhimorübo zojihpah, tüsho arübo khinusho ju yakzan ayan nü thsakham jihpah.

17.(1) Sub-section(3) ayan nü governor hode state chief information commissioner tüsho state information commissioner kilim arüyo office chingnü mung pahjih khoklah. Governor nü Su preme Court kilim neak yimpü hahmülang jihpah tunglim küyimki tükde mülakhi yimkhith panü governor hode state chief information commissioner tüsho state information commissioner kilim mung pahjihpah.

(2) küyimki state chief information commissioner tüsho state information commissioner bolung khürükhüh kheak neak yimchoki kim ching sub-section(1) ching lakhi ayan nü governor hode jupuh/jupe kilim sükhüh pinkheam jihpah yungsho apiju office ching marüshihpü thsungkheak thiukhüm jihpah.

(3) Sub-section (1) ching tümü-tümü lalasho, governor hode state chief information commissioner tüsho state information commissioner ju office chingnü mung pahjihkhok lah. Arü mung pajihpüju küyimki governor nü harübo raamkhithpanü-

(a) rhimo khiuktahde mürhimokhi lasho,

(b) Governor nü apiju lakmihkhi ato ramkhithkhi lasho

(c) Apinü puknim pukra lude rhimokhi tholosh

(d) Governor nü apiju lümki lümtuh tükde mülakhi tholosh

(e) Sho lim yungsho püpu alü yimde rhimokhi ching state chief information commissioner tüsho state information commissioner mung thsümünimsho.

(4) State chief information commissioner tüsho state information commissioner ju api rhimo kheak hopah mürangpükhüh apinü alü yimpü thsungkheak state sorkar mung ching nü cont ract thsakhamde yungsho anikhithkhi hün thrüd-achihde lakhi thsüsho, sub-section(1) ayan nü api ju rhimo mungchihkhi neak jihpah.

## CHAPTER-V

### INFORMATION COMMISSION YO RHIMOPÜBO,AMÜSHUKHI YAKLI TÜSHO MAH BO YAKLI (Powers and functions of information commission,appeal and penalties)

18.(1)Haju yakzan ching lakhi ayan nü mihtsürü shepü shepü yo liangkipü tüsho yimzü yimtopü rhimobo ju central information commission tüsho state information commission yo hahmülang lap ah.Arünü hah mülang lupü lakhibo ju haruk lapah-

(a)Khürükhüh mihtsürü mürangpükhüh central public information officer yungsho state public information officer kilim amüshupü mükoksho,yungsho haju yakzan ayan nü hoju azorüju mümokhitde lalasho,yungsho section 19 yo sub-section(1) ayan nü central assistant public information officer yungsho state assistant public information officer hode müshukhi hüm liangkhi pah central public information officer yungsho state public information officer kilim mühan-a-khin jihsho yungyiungshe amütsan püpülakhi.

(b)Haju yakzan ching lakhi ayan nü amüshukhi khürükhüh arochihde müliuangkhisho

(c)Haju yakzan ching lakhi nangde amüshukhi thiushak ju kim akhukhi ching tükde müjihsho.

(d)Sho hihde alukhi thsü-a-lasho.

(e)Haju yakzan tükde mahoride mürangpükhüh thiushak jihkhi ju mükhiuk tahde yungsho akiangyiu jihkhi lasho.

(f)Haju yakzan ayan nü püpü thiushak amüshupü yungsho mükhehpü püpü limro ching lakhi.

(2)central information commission tüsho state information commission nü phüzü phüto khi kim ching künangde Civil Court nü Code of Criminal Procedure,1908 yo yakli ching nü yimchonü hoju yakli kipahde ahoripah.Hoju ju haruk lapah-

(a)Khürükheak mahkhap pü jipü yungsho api pepah khahthrüd nü yungsho thiünü amütsan jihpü tüsho hüm lakhinü yungsho kukruk hode amütsan jih shihpü.

(b)Hüm thrüd-a-zokhi khürü yimkhitpü lakhi

(c)Affidavit kheaknü thrüdpah amütsan liangkipü

(d)Publicbo yo mütsan mükhi hüm thrüdkhi yungshohüm kheaknü mütsan mükhi lupü thsungkheaknü ajikhi.

(e)Alungki chingnü lakhi püpü yaklibo.

(4)Parliament yo yakzan ching tüsho state legislature ching tümü tümü yakzan lalasho,kuyimki central information commission tüsho state information commission nü haju yakzan ayan nü yimzü yimtokhi kim ching sorkar yo office küching küching nüshe thrüd-a-zokho hüm kheak khoklah,tüsho ayimchoki kim ching shenü she hoju ju jik-a-müzokhok.

19(1)Shepü thsü thsüshe mürangpükhüh Sub-section(1)yungsho sub-section (1) yo clause (a) lakmihde kim tükde ching thiushak müjihde yungsho central public information officer tüsho state public information officer hode lümki thsükhi ching nünü mülung mülamkhi lasho,hoju sopah nimong samrü(30 days) tükiak ching nü arü yo kumunglim azorü kilim amüshulopü koklah.

Hoju azorü junü nimong samrü(30 days) tunglim amüshukhi ju aliangkipah.

(2)Section 2 ayan nü amüshukhi ju mihtsürü mahsampü yo thiushak khürü thsungkheak müshusho,hoju mihtsürü mahsampuh nüshe nimong samrü(30 days)tükiak ching nü amüshupah.

(3)Sub-section(1) ayan nü mahne kipü müshupü yakli ju akhuhpe yo thiushak jihpah tunglim nimong 95 tükiak ching nü central information commission yungsho state information commission kilim müshukhoklah.

Atankih müshukhi ju tükde müliangkhi khi lakhi tholoshö nünü mahne kipü müshukhi ju central information commission yungsho state information commission nü nimong 90 kheampah liangkipah.

(4)Central Public Information Officer yungsho State Public Information Officer hode müshukhi thsungkheak münrün thsükhi ju mahsampü mihtsürü thsungkheak lalasho,central information commission yungsho state information commission hode mahsampuh kilim kim suhtahde jihpah api yiu anikhi lapah.

(5)Amüshupü thsungkheak yakli lakhi puk-khüp ching,kütükhüh amüshukhi hüm müliangkhi khi yimkhitpü rhimobo lanü,hoju ju central Public Information Officer yungsho State Public Information Officer yo hahmülang lapah.

(6)Sub-section(1) yungsho sub-section(2) ching lakhi ayan nü Amüshukhi jub nimong samrü(30 days) tükiak ching nü amülüpah yungsho amütsan khürü lakhi thsüsho amüshukhi nimong kheapah nimong 45 khiungde shukkih khokpah.

(7)Thiu akhiam thsüpu tüsho münrün thsüpu hahmülang ju central information commission yungsho state information commission yo hahmülang lapah.

(8)Haju münrün thsüchoki central information commission tüsho state information commission hode harübo rhimopü thülünlah-

(a)Haju yakzan lungki ching arüshihpü thsungkheak nü sorkar office küching thsü thsüshe rhimo khürü rhimo shihpü thsungkheaknü thiukhüm jihkhoklah.Harübo thiukhüm jihkhoklah-

(i)Yihnüpu lakhi tangpung khürükhüh ching yo thiushak jihshihpü

(ii)Hoju rhimo thsungkheaknü central public information officer yungsho state public information officer mokhit khoklah.

(iii)Thiushak khürü thrüdkhitpah akhiukshih khoklah

(iv)Thrüd-a-lakhi thiushak müthsümünimpü thsungkheaknü yungsho kümkanpü thsungkheak nü yakli müthriphulopü

(v)Mükheak-a-lupü alim yakzan(Right to Information Act)mükheahri shihpü thsungkheaknü ato ashangrü bonü ake-anangpü.

(vi)Section 4 ching sub-section(1) yo clause (b) ayan nü kam khiungde rhimokhi thiushakbo jihpü

(b)Amüshurü yo tümükhüh kukruk tükheak khi yungsho thsumünimkhi thsungkheak sorkar hode ashakpü

(c)Haju yakzan lungki chingnü tümü-tümü limro chingnüthsü thsüshe mah shakshihpü

(d)Khahnü athrüdki müliangkhipü.

(9)central information commission yungsho State information commission nü amüshurü kheak tüsho sorkar rhimorübo office kilim arünü münrün thsükhi tüsho amüshupü alim yaklibo mükheahshihpah.

(10)central information commission yungsho state information commission hode yakzan ching lakhi ayan nü amüshukhi thsungkheak münrün thsüjihpah.

20.(1)central information commission yungsho state information commission hode küyimki central public information officer yungsho state public information officer nü amüshukhi hü müliangkhide,yungshosection 7 yo sub-section (1) ching lakhi lakmihde amüshukhi thiuhshak müjihpanü,yungsho thiushak ju chamkhüh lang jihkhi tüsho akiangyiu jihkhi ramkhit panü,hojupuh yungsho hojupe atorü kilimpiang thiushak tükde müjihchoki khiungde sho 250 nü nimong apan zheade alapah.Tütüshe hoju sho wükikhki ju 25000mühoshihde alapah.

Tütüshe hoju sho müluvide central Public information Officer tüsho State Public Information Officer kilim piang arüthiu ani-a-kheahpü thsaungkheaknü kim jihpah

(2)central information commissioner yungsho state information commissioner nü amüshukhi tüsho compliant thsükhi thsungkheak mahkhap choki,central Public Information Commissioner yungsho State Public Information Commissioner hode amüshukhi arochihkhi,yungsho kheakhungde thiushak akiangyiu jihkhi yungsho section 7 yo sub-section (1)ching lakhi lakmihde thiushak ju kim tükde ching müjihkhi neak ramkhitsho central Public Information officer tüsho state public information officer kilim Service Rules ching lakhi ayan nü mahkhap pah.

## CHAPTER-VI MISCELLANEOUS

21.Shepü mihtsürü thsü thsüshe rhimobo rhimokhi ching mülung lamde tüsho atsüpe thsungkheak rhimopah alakhi kheak azihde mah tüsho yakzan nü mü-rhük khok.

22.Oficial Secrets Act,1923 yo yakzan ching tümü-tümü lalashé,haju yakzan ching kütükhüh mülpah lanü hojurü alala jushuh-a-ahorikhokpah.

23.Tümü yo mahkhap pung nü thsü thsüshe haju yakzan chingnü amüshupü yakli lakhi kheak hopah püpu limro ching nü kah mükhap khuk.

24.(1)Haju yakzan ching lakhi tümü nüshe Intelligence tüsho bonungrübo rhimokhi ching mükümrikhok.Central sorkar nü khimshuhpah alakhi hode haju ju Second Schedule ching mütsande lah.

Tütüshe thiushak khürü makhamkhi yakli thsungkheak yungsho mihtsürü yo alim lakmihkhi thsungkheak ju haju puk-khüp Sub-section ching arüpah.

Thiushak khürü mihtsürü alim lakmihkhi(Violation of Human Rights)thsungkheak thsü-a-lasho hoju thiushak ju central information commission kheaknü thiukhüm lupah lang ajihpah,tüsho

section 7 ching thrüd-a-lalashe hoju thiushak ju amüshukhi nimong nü kheapah nimong 45 tükiak ching nü amükheak shihpah.

(2)Central sorkar hode official Gazette ching thiushak jihde central sorkar nü intelligence tüsho bunungrübo rhimo khimshuhkhi thsungkheak Schedule ju amüthripü koklah yungsho atongto khürükhüh yakzanbo ajaklopü koklah.

(3)Sub-section(2)ching lakhi ayan nü thiushak alala mükheakshihkhi ju parliament yo pinkiu kheak zopah.

(4)State sorkar hode intelligence tüsho binungrü rhimo khimshuhkhi ching haju yakzan nü müküm tahle sorkar nü kim apan Official Gazette chingnü mütsan mükhibo ju mükheakshihpah.

Tütüshe athsümünimkhi tüsho mihtsü laim lakmihkhi thsungkheak amükheakpü thiushak Ju haju yakzan sub-section puk-khüp ching lapah.

Mütuklude thiushak amükheakpü lakhi ju athsümünim khi tüsho mihtsürü alim lakmihkhi thsungkheak thus-a-lasho hojun thiushak ju state information commission kheaknü thiukhüm lupahlang ajihpü koklah,tüsho section 7 ching lalash,thiushak hoju ju amüshukhi nimong nü kheapahle nimong 45 tükiakchingnü ajihpah.

(5)Sub-section(4) ayan nü mükheahshihkhi alala ju State Legislature yo pinkiu kheak zopah.

25.(1)central information commission tüsho state information commission hode kamkheam lim piang kam amüyung rhimokhi yo thiushak tüsho hoju yakzan shuh-a-ahorikhi bo ju mütsande thsakhampah sorkar kilim jihpah.

(2)Sorkar yo department tüsho ministry apan chingnü,thiushakbo mütsande thsakhampü thsungkheaknü hoju kam yorhimokhibo ju central information commission tüsho state information commission kilim jihde alapah.

(3)Thiushak thrüdkhitpü thsungkheaknü harübo limro chingnü thiushak jihpah-

(a)Sorkar yo department apankhi ching kütükhüh thiushak mükheakpü thsungkheaknü müshukhi hüm liangkhitonü.

(b)Amüshukhi müjihde mihtsürü kütükhüh kheak tünjikhi latonü,tüsho yakzan lungki chingnü amütsan tümü lakeanü.

(c)Mahne kipü müshukhi kütükhüh central information commission tüsho state information commission kilim jihdonü tüsho amüshukhi yakli tüsho amüshukhi tunglim alü ngükhi.

(d)Haju yakzan shuh-a-ahori choki khürükhüh atorü kheak akiokhi khi lakhi amütsan.

(e)Haju yakzan hode sorkar yo department apankhi ching nü sho arükhi.

(f)Haju yakzan thiuro ching nü ahoripü thsungkheak sorkar rhimorübo nü tümükhüh rhimo rhimokhi lakhi

(g)Haju yakzan athühipe chingnü anikhitpü thsungkheaknü tümükhüh thsulangpü lakhi yungsho yakzan khürü laklangpü lakhi yungsho sorkar yo department khürü kilim thsulang jihpü lakhi

(4)Central sorkar yungsho State sorkar hode kam kheampah tunglim Sub-section(1) ching lakhi ayan nü central information commission yungsho state information commission yo thiushak thsakhankhi jü state Legislature yo pinkiu kheak zopah.

(5)Mürangükhüh sorkar rhimobo rhimokhi ching haju yakzan lungki ching nü tükde mürhimokhi kheakhi lasho,central information commission yungsho state information commission hode hoju laklangpü thsungkheaknü sorkar kilim lümki jihpah.

26.(1)Sorkar hode sholimnü yungsho püpü lalim suhtahde alakhi ayan nü harübo rhimode alapah-

(a)Mihtsürübo kilim haju yakzan khide tsüde mükheahshihpü thsungkheaknü akherübo münchi lüde alapü

(b)Sorkar rhimo rhimode alarübo nü clause(a)ching lakhi yiumük chingnü münchibo lupü tüsho arü zang zang ching hoju yiumük yo münchi thsakhampü.

(c)Sorkar rhimorü bonü mütsande tüsho alungki ching nü thiushakbo mükheahshihpü.

(d)Sorkar offices bo rhimokhi tüsho kukruk ahorikhi bo tükde mükheakpü thsungkheak central public information officers tüsho State public information officers bo kilim thsangyupü.

(2)Haju yakzan tankihpah khinu 18 tükiak ching nü arüyo official thiutha ching nü thiushak tünkheak akümkang yiu anikhithokpü thsüde thrüdkhitpah.

(3)Sorkar hode,yihnüpü lakhi trhsüsho,sub-section ching lakhi yiumük kim apan ching jihde alapah.Harübo yiumük thsungkheak nü mükheakshihpah-

(a)Haju yakzan yo mük-kheak-kih.

(b)central Public Information officer yungsho State Public Information Officer yo postal Address,phone no.tüsho fax no.bo jihpah.Section 5 yo sub-section (1) ayan nü mokhitkhi sorkar rhimorübo yo thiushak jihpah.

(c)central public information officer tüsho state public information officer kilim thiushak thsungkheak müshupü limro tüsho yaklibo mükheakshihpü.

(d)central information commission tüsho state information commission kheaknü arong ngüpü thsüde haju yakzan ching mülü-a-lakhi mükheakshihpü.

(e)Arong ngüpü thsüde central information commission yungsho state information commission kheaknü alakhi.

(f)Commission kheak amüshu hüm jihpü yungsho yakzan thsakhamlopü.

(g)Section 4 ching ayan nü tangpong khürükhüh ching yo thiushak huhpü limrobo.

(h)Thiushak mükheak-a-lupü thsungkheak sho jihpü yakli yak-ko bo

(i)Haju yakzan lungki ching nü püpü limro lungki chingnü thiushak yimpü

(4)Sorkar hode yihnükhi ayan nü kimapan ching thiushak bo tharide alapeah.

27.(1)Sorkar hode official Gazette ching nü thiushak jihride haju yakzan ahoripü thsungkheak yakzan thsakhampah.

(2)Atongto thsüde mihtsürü alala thsungkheaknü harübo yaklibo tharipah-

(a)Section 4 yo sub-section (4) ayan nü thiushak hüm thsakhamkhi tüsho kukruk shotün bo mükheakshihpü.

(b)Section 6 yo sub-section (1) ching shotün thsungkheak lakhi mükheakshihpü.

(c)Section 7 yo sub-section (1) tüsho(5) ching shotün thsungkheak mülü-a-lakhi mükheakshihpü.

(d)Section 13 yo sub-section (6) tüsho section 16 yo sub-section (6)ching küju azorübo tüsho ju puk-khüp rhimorübo kilim khinusho tüsho püpü ngüzü ngütopebo lanü hojurübo mükheakshihpü.

(e)Section 19 yo Sub-section(10) ching küju Central information commission tüsho state information commission hode amüshukhi thsungkheak rhimopü yaklibo lanü hoju mükheakshihpü.

(f)Mülü-a-lakhi püpü yaklibo thsungkheak..

28.(1)Sorkar hode Oficial Gazete chingnü thiushak mükheakshihde haju yakzan ahoripüthsungkheak nü yakzan thsakhampü alim lah.

(2)Atongto thsüde,tünmü jak kheak kukheak mülade harübo yakzan yakli yak-ko bo ha mülkheakshihah-

(i)Section 4 yo Sub-Section(4) ching ayan nü thiushak hüm tüsho kukruk lukhi shotün bo mükheakshihpü.

(ii)Section 6 yo sub-section(1) ching sho jihpü yakli mükheakshihpü.

(iii)Section 7 yo sub-section (1) ching shotünbo lakhi mükheakshihpü.

(iv)Mülü-a-lakhi püpü limro ching nü yihnüpü lakhi.

29.(1)Haju yakzan puk-khüp ching central sorkar hode kütükhüh yakzan thsakhamchinü,hoju yakzan thsakhampah tunglim parliament küdang pinchoki kimching asuk-achihpü thsungkheaknü zojihpah..Hoju zojihkhi ju nimong Samrü(30 days) thsungkheak zopah.Parliament hode yakzan ju thsüphulopü yungsho yakzan müliangkipü thsungkheaknü asuk-achihpah.Hoju tunglim lang yakzan ju shuh-a-ahori khokpah.

(2)Haju yakzan puk-khüp ching state sorkar hode kütükhüh yakzan thsakhamchonü hoju ju state Legislature yo pinkiu kheak asuk-achihpü thsungkheaknü zojihpah.

30.(1)Haju yakzan ahoripü thsungkheaknü mürangpükhüh tümükhüh mükokmüra lakhi thsüsho,central sorkar hode Oficial Gazette ching nü thiushak jihde thiukhüm atsükhi chingnü thsakhampah hoju amükok jus huh-a-khinpah.

Tütüshe hoju yiukhüm ju haju yakzan tankihpah kam mahne(2 yrs)kheam tunglimmüthsakhamkhok.

(2)Haju section puk-khüp chingnü kütükhüh yakzan thsakhamchonü,hoju yakzan thsakhampah tungkim parliament mahne chito yo pinkiu kheak zopah.

31.Thiushak mükheakpü yakzan 2002 ju hamnonü thsakhamphulochoh.

## **THE FIRST SCHEDULE**

[ see section 13(3) and 16 (3)]

Form of oath or affirmation to be made by the chief information commissioner/the information commissioner/the State chief Information Commissioner/the State Information Commissioner

“I,.....having being appointed chief information commissioner/Information Commissioner/State chief Information Commissioner/State Information Commissioner Swear in the name of God

solemnly affirm

that I will bear true faith and allegiance to the constitution of India as by law established,that I will uphold the sovereignty and integrity of India,that I will duly and faithfully and to the best of my ability,knowledge and judgement perform the duties of my office without fear or favour,affection or ill-will and that I will uphold the constitution and the laws”.

## **THE SECOND SCHEDULE**

(see section 24)

### **Intelligence and security organization established by the Central Government**

- 1. Intelligence Bureau**
- 2. Research and Analysis Wing of the Cabinet Secretariat**
- 3. Directorate of Revenue Intelligence**
- 4. Central Economic Intelligence Bureau**
- 5. Directorate of Enforcement**
- 6. Narcotics Control Bureau**
- 7. Aviation Research Centre**
- 8. Special Frontier Force**
- 9. Border Security Force**
- 10. Central Reserve Police Force**
- 11. Indo-Tibetan Border Police**
- 12. Central Industrial Security Force**
- 13. National Security Guards**
- 14. Assam Rifles**
- 15. Special Service Bureau**
- 16. Special Branch(CID),Andaman and Nicobar**
- 17. The Crime Branch-C.I.D.-CB,Dadra and Nagar Haveli.**
- 18. Special Branch,Lakshadweep Police.**

